

三  
國  
志  
注  
補

三國志注補卷四十

仁和趙一清撰

蜀志列傳第十

劉封者本羅侯寇氏之子

羅侯地名也水經渭水西過長沙羅縣又西注羅子自枝江徙此世猶謂之羅侯城也又傳言繼統羅國封豈寇恂之後有封於羅者乎

以封爲副軍中郎將

何云副軍之名失之尊寵太過是以事當慎始

先主因令達并領兵眾

何云兵字元板作其

先主加耽征北將軍領上庸太守員鄉侯如故以耽弟儀爲建  
信將軍西城太守

方輿紀要卷七十九鄖陽府房縣秦爲房陵縣漢屬漢中郡  
先主置房陵郡於此或云郡劉表所置竹山縣秦上庸縣地  
建安末置上庸郡建安二十四年上庸太守申耽降蜀蓋是  
時已分漢中爲上庸郡也又卷五十六漢中府城固縣舊城  
在縣東八里有南北二城北城漢縣治也南城蜀將劉封所  
築水經沔水注鄖鄉縣卽長利之鄖鄉晉太康五年立爲縣  
西城故漢中郡之屬縣也漢末爲西城郡

魏文帝善達之姿才容觀以爲散騎常侍建武將軍封平陽亭  
侯合房陵上庸西城三郡達領新城太守

方輿紀要卷五十六魏置平陽縣屬魏興郡在今興安州東  
水經沔水注魏文帝合房陵上庸新城立以爲新城郡以孟  
達爲太守治房陵故縣

注美鬚長大則賢

何云鬚字以國語校作鬚宋本同

申儀叛封封破走還成都申耽降魏魏假耽懷集將軍徙居南  
陽儀魏興太守封真鄉侯屯洵口

晉書宣帝紀申儀久在魏興專威疆場輒承制刻印多所假  
授達旣誅有自疑心時諸郡守以帝新克捷奉禮求賀皆聽  
之帝使人諷儀儀至問承制狀執之歸於京師水經沔水注  
漢水東合旬水水北出旬山東南注漢謂之旬口一清案儀

襲兄封員鄉侯眞字爲誤

注初在西平上庸間

西平誤當作西城

注詔轉儀拜樓船將軍在禮請中

禮請卽後世之所謂奉朝請也

諸葛亮慮封剛猛易世之後終難制御勸先主因此除之於是  
賜封死使自裁

何云先主無他枝葉後嗣庸弱封地處疑逼又嘗將兵一朝  
作難則禍生肘腋國祚方危故不得不因其罪速斷也後代  
於潞王從珂事可以參鑒

注是歲徙環扶風

環乃還字之譌

必有忠謹落落之譽豐功厚利建跡之勳

何云元板之字作立

注楊雄方言曰滅鰓乾都耆革老也郭璞注曰皆老者  
皆字何氏校改革

僕敗以取禍自我情之

情疑當作噫

後丞相掾李邵蔣琬至

第十五卷輔臣贊注中作邵當是也觀其字永南知之下邵  
琬亦應改邵

注隨大將軍則誹謗譏訶

將字衍

李嚴字正方南陽人也少爲郡職吏以才幹稱

御覽卷四百九十六引江表傳曰嚴少爲郡職吏用情深刻  
苟利其身鄉里爲嚴諺曰難可狎李鱗甲

劉璋以爲成都令復有能名

華陽國志武陽去成都百五十里渡大江昔人作大橋曰漢  
安橋廣一里每夏秋水盛斷絕歲歲修理百姓苦之建安二  
十一年太守李嚴乃鑿天社山尋江通車道吏民悅之

嚴馳往起救

何云宋本起作赴

嚴當知後事移屯江州

水經江水注曰巴水西南流歷巴中逕巴郡故城南李嚴所  
築大城北西南入江巴郡漢世治江州巴水北北府城是也  
後乃徙南城劉備以江夏費觀爲太守領江州都督後都護  
李嚴更城周一十六里造蒼龍白虎門求以五郡爲巴州治  
丞相諸葛亮不許竟不果方輿紀要卷六十九李嚴所築大  
城卽重慶府郡城也塹崖爲壘環江爲池有門十七九開八  
閉俗以爲九宮八卦之象

畱護軍陳到駐永安

陳到字叔至見後楊戲輔臣贊

注雖十命可受况於九耶

何云孔明恭遜十命之語未必出自其口諸葛氏集當以承



祚敘錄者爲正

平遣參軍狐忠

狐忠卽馬忠

注征南將軍臣劉巴

何云此別劉巴非子初

注輒解平任免官祿節傳印綬符策

祿字何氏校改錄

注豈徒無言而已哉

一本言上有怨字

注朱音銖提音如北方人名士曰提也

後漢書地理志犍爲郡朱提注蘇林曰朱音銖提音時應邵

曰朱提山在西南方輿紀要卷七十建安三年改爲朱提郡  
一清案楊戲輔臣贊注鄧方隨先生入蜀蜀旣定爲犍爲屬  
國都尉因易郡名爲朱提太守則在建安之末紀要作三年  
誤也又紀要云南廣城在敘州府南溪縣南漢縣屬犍爲郡  
蜀志後主延熙中立南廣郡以常竺爲太守今志無此文  
先主定益州以瑯爲固陵太守

華陽國志初平元年劉璋以胸臆至魚復爲固陵郡方輿紀  
要卷六十九巫山縣在夔州府東三百十里楚之巫郡也秦  
置巫縣屬南郡漢因之建安中先主改屬宜都郡孫權因之  
魏氏春秋建安二十四年吳分巫秭歸爲固陵郡章武元年  
先主遣吳班馮習等破權將李異等於巫進兵秭歸尋敗還

孫休分置建平郡巫屬焉後屬魏魏滅蜀置建平都尉一清  
案固陵郡先主所置觀珍傳自明或後改爲宜都入吳於巫  
置建平郡魏氏春秋爲誤也

先主爲漢中王遷治成都當得重將以鎮漢州

何氏校改遷作遷州作川

更以延爲督部領承相司馬涼州刺史

蜀涼州止有武都陰平二郡蓋亦遙領

延每隨亮出輒欲請兵萬人與亮異道會於潼關如韓信故事  
亮制而不許

因學紀聞云武侯不用魏延之計非短於將略也在易師之  
上亦曰小人勿用

纔楊儀未發

何云宋本纔作攬

率所領徑先南歸所過燒絕閣道

水經沔水注閣道緣谷百餘里其閣梁一頭入山腹一頭立  
柱於水中魏延焚之自後案舊脩路者悉無復水中柱逕涉  
者浮梁振動無不搖心眩目也

注魏略曰諸葛亮病謂延等云我之死後但謹自守慎勿復來  
也

李氏云亮如遺命不來者公珍極謹慎導亮規畫不應仍拳  
拳於興復也

楊儀字威公襄陽人也

水經沔水注蔡洲東岸西有洞湖停水數十畝長數里廣減百步水色常綠楊儀居上洞楊永居下洞與蔡洲相對在峴山南廣昌里一清案松陵集皮日休荅陸龜蒙讀襄陽耆舊傳詩云偉哉洞上隱卓爾隆中搏卽指儀永所居之地集韻洞烏猛切音管與洞字音畫異而義同

建安中爲荊州刺史傅羣主簿

此是魏荊州治穰

爲後軍師費禕往慰省之

何云宋本爲作唯

注儀兄慮字威方少有德行爲江南冠冕

何云以襄陽耆舊傳校江作沔

三國志注補卷四十

宿松羅忠濟初校

番禺陶邵學覆校

陽湖吳翊寅再覆校

三國志注補卷四十一

仁和趙一清撰

蜀志列傳第十一

兄篤於鄉里合郡曲數百人

何云宋本郡作部

後璋將扶禁向存等帥萬餘人由閬水上攻圍峻且一年不能下

方輿紀要卷六十八嘉陵江在保寧府廣元縣西一里自寧羌州流入界又西南入昭化縣境劉璋將扶禁等由閬水上攻霍峻於葭萌卽嘉陵江也

後主立太子璿以弋爲中庶子

後漢書百官志太子中庶子六百石職如侍中

乃以弋領永昌太守

後漢書郡國志永昌郡注明帝永平二年分益州置

還統南郡事

南郡字誤蜀稱益州爲南中非漢荊州之南郡或是南中郡

縣史省文

注襄陽記曰羅憲

何云案下云此作獻名與本傳不同則憲字皆獻之訛

注憲少以才學知名

晉書羅憲傳憲師事譙周

注後主立太子爲太子舍人遷庶子



何云觀後主猶用弋憲輩爲宮僚則慎選家法之善可知也  
注城中擾動江邊長吏皆棄城走

晉書作邊江

注吳聞蜀敗起兵西上

晉書云吳遣將盛曼西上亦見吳志嗣主傳

注拜憲凌江將軍

宋書百官志凌江將軍魏置

注泰始元年改封西鄂縣侯憲遣妻子居洛陽武帝以子襲爲  
給事中三年冬入朝進位冠軍將軍假節

晉書泰始初入朝詔曰憲忠烈果毅有才策器幹可給鼓吹  
又賜山元玉佩劍

注詔問蜀大臣子弟後問先輩

何云元板下問字衍

注憲方亮嚴正待士不倦輕財好施不治產業六年薨贈安南將軍諡曰烈侯子襲以淩江將軍領部曲早卒追贈廣漢太守襲子徽順陽內史永嘉五年爲王如所殺此作獻名與本傳不同未詳孰是也

晉書列傳云憲兄子尙字敬之一名仲父式牂牁太守尙太康末爲梁州刺史假節平西將軍益州刺史西戎校尉性貪少斷蜀人言曰尙之所愛非邪則佞尙之所憎非忠則正富擬魯衛家成市里貪如豺狼無復極已又曰蜀賊尙可羅尙殺我平西將軍反更爲禍尙破斬李特特子雄僭號都於郫

城尙卒雄遂據有蜀土

先主定江南使朗督秭歸夷道巫山夷陵四縣軍民事

漢南郡有巫縣此云巫山疑是先主所改又案此時尙未置  
宜都郡

以朗爲巴西太守頃之轉任牂柯又徙房陵

是時孟達破房陵殺太守蒯祺朗徙房陵太守當在此時但  
孟達以房陵降魏在章武元年如朗在郡何得有此失抑或  
召還非後主時邪於是有參錯矣

朗素與馬謖善謖逃亡

何云謖逃亡之事本傳無之此又不詳只一及耳

亮卒後徙左將軍

何云朗爲左將軍時行丞相事見後主張皇后冊文中而此傳失之

注鎮南將軍衛瓘至於成都

晉書瓘傳作鎮西

注炎興於是乎徵焉

何云此語卽漢晉春秋之所由作也

注孫盛曰昔公孫述自以起成都號曰成氏二王之文殆述所作乎

何云孫盛語已見魏書三少帝紀此重出

璋授裔兵拒張飛於德陽陌下

方輿紀要卷七十三德陽城在龍安府東二百里本漢陰平

道之德陽亭後漢改置德陽縣屬廣漢郡華陽國志德陽有  
劔閣道三十里至險蓋與劔閣相近也或曰德陽當馬閣山  
之路晉徙德陽而南因謂此爲漢德陽一清案漢德陽亭見  
鄧艾鍾會二傳

舉郡反燒臨邛城

臨邛漢縣屬蜀郡三國漢屬漢嘉郡

敕習綽但於南安峽口遮卽便得矣

方輿紀要卷七十二南安廢縣在嘉定州夾江縣西北二十  
五里漢縣屬犍爲郡青衣水在縣西十九里水經南安故城  
謂之南安峽口

洪建興元年賜爵關內侯

此洪字是史羨文

君昔在柏下營壘

柏下當作陌下卽德陽陌下也

況吾但委噫於元儉

何云元板噫作意

注不持節儉

何云儉疑檢

注遷廣漢後夷反叛辭令得前何府君乃能安我耳時難屈祇  
拔祇族人爲

御覽卷二百六十一辭下有曰字難下有復字爲下有之字

羽怒曰

何云御覽怒上無羽字

今漢王以一時之功隆崇於漢室

漢下當增中字先主時爲漢中王不應單稱漢王也室字何氏校改升黃忠字也

注不如速尊有德以奉大統

李氏校改如爲知

隨諸葛亮南行歸至漢陽縣

漢陽漢縣屬犍爲郡蜀漢屬朱提郡

往年南征歲未及還

姜云未及當作未乃後主傳亮以建興三年二月南征十二月還成都

三國志注補卷四十一  
王  
豈徒空託名榮貴爲華離乎

華元板作乖

亮亦以達無款誠之心故不救助也

晉書宣帝紀蜀吳各遣其將向西城安橋木蘭寨以救達又  
克達之後蜀將姚靜鄭他等帥其屬七千餘人來降水經沔  
水注木蘭寨吳朝遣軍救孟達於此則蜀吳皆有救達之事  
此云不救何也

注詩子在

一本在作立

三國志注補卷四十一

宿松羅忠濟初校  
番禺陶邵學覆校

陽湖吳頌寅再覆校



三國志注補卷四十二

仁和趙一清撰

蜀志列傳第十二

羣少受學於舒專心候業

拾遺記周羣妙閑筭術識說遊岷山採藥見一白猿從絕峯而下對羣而立羣抽所佩書刀投猿猿化爲一老翁握中有玉版長八寸以授羣羣問曰公是何年生荅曰已衰邁也忘其年月猶憶軒轅之時始學麻數風后容成皆黃帝之史就余授麻術至顓頊時考定日月星辰之運尤多差異及春秋時有子韋子野裨竈之徒權略雖驗未得其門邇來世代興亡不復可記因以相襲至大漢時有洛下閎頗得其旨羣服

三國志卷四十二  
其言更精勤筭術及考校年祿之運驗于圖緯知蜀應滅及  
明年歸命奔吳皆云周羣詳陰陽之精妙也蜀人謂之後聖  
故裕以此及之

何云及字當作反

杜瓊字伯瑜蜀郡成都人也

晉書良吏傳杜軫字超宗父雄編竹令軫師事譙周博涉經  
書又杜弢傳弢祖植有名蜀土二子皆成都人豈瓊之族乎  
杜軫姓名見霍峻傳注中

稍遷至大長秋卒

何云後漢書百官志大長秋掌奉宣中宮命西京或用土人  
中興常用宦者一隅之制其善若此蓋大長秋用通經之士

爲之則可以修周官內史之職

注孫盛曰蜀少人士故慈潛等並見載述

何云仁篤通大經四小經三卽在中土亦烏可無述

漢太尉孟郁之族

郁後漢書靈帝紀作馘

光解正慎宜

宜疑當作密

此諸君讀書

何氏校改諸爲儲

先主定益州署敏典學校尉

水經江水注引來敏本蜀論

及立太子以爲家令

後漢書百官志太子家令千石主倉穀飲食職似司農少府又專精於左氏春秋自劉歆條例鄭眾賈逵父子陳元方服虔注說

何云後漢書陳元字長孫父歆習左氏春秋事黎陽賈護與劉歆同時而別自名家元少傳父業爲之訓詁與范升爭立左氏學方字傳寫之譌宜衍

及立太子以默爲僕射

後漢書百官志太子僕千石主車馬職如太僕此射字衍譌周傳云後主立太子以周爲僕是也下李謨傳遷爲僕射之射亦當衍

延熙元年後主立太子以譙爲庶子

後漢書百官志太子中庶子六百石職如侍中

譙周字允南巴西西充國人也

後漢書郡國志巴西郡充國永元二年分關中置注引已記曰  
初平四年復分爲南充國縣方輿紀要卷六十八云充國城  
在順慶府南充縣南三十五里西充縣漢充國縣地晉析置  
西充國縣屬巴西郡一清案今據此傳蜀漢已有西充國之  
名不始於晉楊戲輔臣贊李福注云爲西充國長張疑傳云  
巴西郡南充國人此二縣分立之確證也

父岍

何云岍宋本作岍

時後主頗出游觀增廣聲樂

何云延熙元年立子璿爲皇太子至八年冬蔣琬始卒然則自琬之存後主已荒縱矣故傳於建興十四年大書至崩看汶水旬日而還譏其不恤國事盤游於外自此始也傷大臣不能正書以示譏後不書者不可諫則不足譏也

舉漁陽上谷突騎迎于廣阿

後漢書郡國志注鉅鹿有廣阿澤

故周人養民

何云人宋本作文

當秦罷侯置守之後

何云當宋本作及

魏大將軍鄧艾克江由

由當作油

及聞艾已入陰平

何云黃崇云速行拒險無令敵得入平地後人誤加陰字方今東吳未賓事勢不得不受之受之後

何云當作受之之後

注華陽國志曰文立字廣休

晉書儒林傳文立巴郡臨江人師事譙周門人以立爲顏回陳壽李虔爲游夏羅憲爲子貢秦始初詔曰太子中庶子文立忠貞清實有思理器幹前在濟陰政事修明後事東宮盡輔導之節昔光武平隴蜀皆收其賢才以敘之蓋所以拔幽

滯而濟殊方也其以立爲散騎常侍蜀故尙書健爲程瓊雅有德業與方深交武帝聞其名以問立對曰臣至知其人但年八十稟性謙退無復當時之望不以上聞耳瓊聞之曰廣休可謂不黨矣故吾善夫人也

注咸寧未卒立章奏詩賦論誦凡數十篇

誦當作訟

周語子曰昔孔子七十二

春秋哀公十六年夏四月己丑孔丘卒杜注魯襄二十二年生至今七十三也陸氏釋文本或作魯襄二十三年生至今七十二則與孔子世家異此本非也五代史記馮道傳道卒年七十三時以爲與孔子同壽而此言七十二蓋誤以魯襄



二十三年生也

凡所著述撰定法訓五經論古史考書之屬百餘篇

隋書經籍志譙子法訓八卷梁有譙子五敘志五卷

舉孝廉除錫令

後漢書郡國志漢中郡錫師古曰卽春秋所謂錫穴

周長子熙熙子秀字元彥

何云元彥之去承祚遠矣周長子熙下十字皆裴注文

注從兄弟及諸親理

何云理別本作里

後十餘年卒於家

元和郡縣志譙周墓在巴西縣南十六里周將亡戒諸子曰

吾後嗣當有黃頭黑髮幾亡吾族及周孫縱之生也頭黃齒  
黑晉末刺史毛璩使縱領白徒七百人由涪水下討桓元西  
人不樂遠征乃逼縱爲主攻陷巴西遂屠益州旣害毛璩自  
號成都王義熙九年朱齡石討平之卒如周言  
而安貧好學博覽墳籍弱冠能屬文人爲祕書吏

何云御覽覽作涉吏作史

要夷庚之赫懽

何云懽疑作懽

注臣有所與其儻繼采薪

一本薪下有者字

注楚賢大夫

一本賢下有良字

注偷卽夜出解齊將軍之帳

一本帳下有幃字

注子發使人歸之曰卒有出採薪者

一本卒作市

注因於朝夕

一本因作困

注敖幼而好游長不喻解

一本長上有至字

注噫乎子中州民

一本民上有之字

注吾與汗漫期於九垓之上

上當作外

注盧敖仰而視之弗見乃止曰

何云宋本此下有駕止抔治悖若有喪也九字

注終日行不離咫尺自以爲遠

何云宋本自上有而字

注張璠以爲譙周所陳降魏之策蓋素料劉禪懦弱心無害戾故得行也如遇忿肆之人雖無他筭然矜殉鄙恥或發怒妄誅以立一時之威快其斯須之意者此亦夷滅之禍云

何云張璠識陋旨迂注家何以取諸

三國志注補卷四十二

宿松羅忠濟初校

番禺陶邵學覆校

陽湖吳翊寅再覆校

三國志注補卷四十三

仁和趙一清撰

蜀志列傳第十三

注徐眾評曰

眾字譌當作爰隋志有徐爰三國志評三卷

左右詔權

左右上一本有遺字

後領益州刺史徙占河南

水經注清水南逕預山東山南有魏車騎將軍黃權夫妻二  
冢地道潛通其冢前有四碑其二魏明帝立一是其子及臣  
吏所樹者也

權遷車騎將軍儀同三司

晉書職官志儀同三司漢官也及魏黃權以車騎將軍開府儀同三司開府之名起於此也

注當以天文爲正往者熒惑守心而文皇帝崩吳蜀二主平安此其徵也

困學紀聞云三國鼎峙司馬公通鑑以魏爲正統朱子綱目以蜀漢爲正統然稽於天文則熒惑守心魏文帝殂而吳蜀無它此黃權對魏帝之言也若可以魏爲正矣月犯心大星王者惡之漢昭烈殂而魏吳無它權將何辭以對何氏曰宋書天文志云三國史並無熒惑守心之文黃初六年五月十六日壬戌熒惑入太微至二十七日癸酉乃出宜是入太微

無令敵得入平地

何云元板無地字

建寧俞元人也

漢志益州郡俞元蜀漢屬建寧郡

任郡督郵

何云任字宋本作仕

遂以恢爲庾降都督使持節領交州刺史住平夷縣

此自遙領顧氏景范謂蜀漢分益州置交州非是

諸縣大相糾合圍恢軍於昆明

後漢書郡國志益州郡滇池出鐵有池澤補注曰澤在縣西

見前漢書地理志南中志曰池周二百五十里益州郡又有



昆明池方輿紀要卷百十三滇池在雲南府城南一名昆明池亦曰滇南澤滇地記云郡城金馬碧雞二山東西夾護商山北來而環列於前中開一大都會滇池受邵甸牧羊山諸泉及黑白龍潭海源洞諸水匯爲巨浸延袤三百餘里軍民田廬環列其旁而洩於稍西一小河又折而北不見其去故又名滇海

於是恢出鑿大破之追犇逐北南至槃江

水經注葉榆水逕賁古縣北東與槃江合槃水出律高縣東南監町山東逕梁水郡北賁古縣南水廣百餘步深處十丈甚有瘴氣朱褒之反李恢追至槃江者也

封漢興亭侯

水經葉榆水注槃水又東逕漢興縣此縣不見晉宋史志疑是蜀立在今雲南省臨安府境

南夷復叛

何云觀此傳及馬忠張嶷二傳中皆有南夷復反事蓋雖諸葛公猶不能要其終不反也

永昌郡吏呂凱府丞王伉等執忠絕域十有餘年

方輿紀要卷百十八永昌金雞村北有將臺高丈餘廣倍之相傳呂凱築以拒雍闓

亮入南拜忠牂牁太守郡承朱褒反

承卽丞也音同通用朱褒爲牂牁郡丞亦見華陽國志而後主傳云太守未詳

初建寧郡殺太守正昂

水經江水注僕水逕寧州建寧郡州故康降都督屯故南人謂之屯下劉禪建興三年分益州郡置

縛太守張裔於吳故都督常駐平夷縣至忠乃移治味縣

後漢書郡國志牂牁郡平夷益州郡味孟康曰味音昧水經注溫水西逕昆澤縣南又逕味縣縣故滇國都也諸葛亮討平南中劉禪建興三年分益州郡置建寧郡於此

張表時名士

時上有脫文

閻宇宿有功幹於事精勤

宋書州郡志巴東領縣有南浦令建興八年十月益州牧閻

宇表改羊渠立羊渠不詳何志吳立方輿紀要卷六十九夔  
州府萬縣漢胸臆縣地三國漢建興八年置南浦縣屬巴東  
郡本名羊渠蜀前此所置縣也

進封安漢侯

後漢書郡國志巴郡安漢

涪軍足得救關

關謂陽安關城也

今宜先遣劉護軍杜參軍據興勢

杜參軍杜祺也見李嚴傳注

若賊分向黃金

方輿紀要卷五十六黃金谷漢中府洋縣東八十五里古諺

云山川險阻黃金子午亦謂之黃金山有黃金峭漢置戍於此

是時鄧艾在東

艾當作芝鄧芝爲江州督故云在東也

手不能書而所識不過十字

而字一本作其

注羌於要厄作石門於門上施牀積石於其上過者下石槌擊之無不糜爛

方輿紀要卷七十三四川松潘衛至茂州三百里山峭險惡一蠻擲石百人不能過其路隨河曲折卽其處也

是後太守不敢之郡只住安定縣

安定縣不見續志及晉宋志未詳其建置處所也

除疑爲越嶲太守

後漢書郡國志越嶲郡治邛都

疑以功賜爵關內侯蘇祁邑君冬逢

後漢書郡國志越嶲郡蘇示師古曰示讀曰祇卽蘇祁邑也  
逢妻旄牛王女

方輿紀要卷七十四旄牛夷在黎州所西北漢武帝平西南  
夷置沈黎郡天漢四年更置西部都尉一居牛旄主徼外夷  
後漢永平中益州刺史牛輔宣示漢德自汶山以西白狼槃  
木及樓薄等百餘國皆朝貢悉旄牛徼外夷也

渠剛猛捷悍

捍一本作悍

定祚臺登卑水三縣去郡三百餘里

後漢書郡國志越嶲郡定祚注引華陽國志縣在郡西度瀘水賓岡微白摩沙夷有鹽坑積薪以齊水灌而後焚之成白鹽漢末夷等皆燬之又臺登出鐵注引華陽國志有孫水一曰白沙江山有弩火燒成鐵又卑水注曰水通馬湖孟康云卑音班

舊出鹽鐵及漆而夷微久自固食

固當作綑從後漢書校改

旄牛由是輒不爲患郡有舊道經旄牛中至成都既平且近方輿紀要卷七十二旄牛廢縣在雅州榮經縣西漢屬蜀郡

三國漢屬漢嘉郡前云旄牛王蓋旄牛徼外之夷酋也

昔每聞東主殺生賞罰不牟下人

牟何氏校改任

夷民戀慕

何云御覽作民夷

其皆督率隨疑朝貢者百餘人

何云宋本作其督相率隨疑



宿松羅忠濟初校

番禺陶邵學覆校

陽湖吳翊寅再覆校

三國志注補卷四十四

仁和趙一清撰

蜀志列傳第十四

蔣琬字公琰零陵湘鄉人也弱冠與外弟泉陵劉敏俱知名

永州府志蔣玗泉陵人仕吳始興太守廣州都督後仕晉開  
基江表中原庶士相率歸化玗有力焉疑亦是琬之昆季而  
分仕二國耳

琬以州書佐隨先主入蜀

寰宇記卷七十二蔣琬宅在益州華陽縣東七里又犀浦縣  
有蔣橋蔣琬宅於此因以名橋

遷爲參軍

宋書百官志蜀丞相府有行參軍

桑梓之敬古今所敦西到欲奉瞻尊大君公侯墓

寰宇記卷八十三蔣琬墓在綿州西七里

劉敏左護軍揚威將軍

永州府志劉優零陵人父綽起家彭城出補零陵太守遂家焉優少有雋聲舉孝廉獻帝時爲御史大夫遷尙書僕射孫敏弱冠與蔣琬俱知名舉孝廉後主時除侍御史糾察名實廷中稱當以功封雲亭侯加中書侍郎拜成都尹少孤依族父伯仁伯仁姑益州牧劉璋之母也

楊戲輔臣贊注云費賓伯名觀江夏鄆人劉璋母觀之族姑

豈卽伯仁耶

先主立太子禪與允俱爲舍人

後漢書百官志太子舍人二百石無員更直宿衛如三署郎  
中注引漢官曰十三人選良家子孫

由是眾人莫不易觀

何云御覽無人字

亮以初從南歸以禪爲昭信校尉使吳

寰宇紀卷七十二萬里橋在益州南二里亦名篤泉橋橋之  
南有篤泉費禪聘吳諸葛亮祖之禪歎曰萬里之路始於此  
橋故曰萬里橋御覽卷七百七十八引荊州先德傳曰吳與  
蜀和遣使張溫修好溫辨論鮮有抑之者諸葛亮以禪有俊  
才宜遣報溫使以禪爲奉信校尉權時竊尊號意猶豫不決

禕爲陳興亡之畫開國建家之策權甚悅權性滑稽時知名皆在會並使發異端之難禕應輒荅坐席稱之由是愛敬焉  
值軍師魏延

文長未曾爲軍師或是帥字之誤

禕至敵遂退

晉書文帝紀大將軍曹爽之伐蜀也以帝爲征蜀將軍副夏侯元出駱谷次于興勢蜀將王林夜襲帝營帝堅臥不動林退帝謂元曰費禕以據險距守進不獲戰攻之不可宜亟旋軍以爲後圖爽等引旋禕果馳兵趨三嶺爭險乃得過遂還乙以爲懿感曹仲附已不一

何云宋本附作付

注懿父子從後開門舉兵蹙而向芳必無悉寧忠臣爲君深慮之謂平

何云悉下元板有一字寧字屬下句讀

十六年歲首大會魏降人郭循在坐

循當作脩下同

姜維字伯約天水冀人也

方輿紀要卷五十九鐵堂峽在秦州天水廢縣東五里姜維世居此峽有鐵堂莊四山環抱

仕郡上計掾州郡爲從事

何云宋本郡作辟

注遵念所治冀縣界乎西偏

何云宋本乎作在

注會亮前鋒爲張邵費繇等所破

繇字誤當作瑤見後輔臣贊吳壹注

注維曰良田百頃不在一畝

晉書五行志在作計

是歲汶山平康夷反維率眾討定之

舊唐書地理志維州薛城縣漢已前徼外羌冉駹之地蜀劉  
禪時姜維馬忠等討汶山叛羌卽此地也今州城卽姜維所  
築

夏維率數萬人出石營經董亭園南安魏雍州刺史陳泰解圍  
至洛門

營字誤營陳泰傳亦作石營方輿紀要卷五十九石營在鞏昌府西和縣西北二百里董亭在府西南落門聚在伏羌縣西十里郡國志冀縣有雒門聚卽落門矣

進圍襄武

隴西郡襄武

維乘勝多所降下拔河間狄道臨洮三縣民還

後漢書郡國志隴西郡河關故屬金城間字誤

維卻住鍾題

方輿紀要卷五十九鍾題城在鞏昌府成縣西北

與鎮西大將軍胡濟期會上邽

何云此胡濟別是一人非胡倬度



三國志卷之四十四  
四  
故維爲魏大將鄧艾所破於段谷

寔字紀卷百五十段谷水出秦州清水縣東南山下

徑至沈嶺

寔字記卷三十姜維嶺本名沈嶺在鳳翔府盩厔縣南五十里

維前往亡水

水經渭水注芒水出南山芒谷北流逕玉女房又北逕盩厔縣之竹園中分爲二水此亡字誤

於是令督漢中胡濟卻住漢壽監軍王含守樂城護軍蔣斌守漢城又於西安建威武衛石門武城建昌臨遠皆立園守其城在今階成鳳沔間

維卒眾出漢侯和

方輿紀要卷六十侯和城在洮州衛東一清案水經河水注洮水東逕共和山南又東逕迷和城北迷和卽侯和也又謂之泥和城通鑑齊武帝紀吐谷渾王伏連籌脩臨洮泥和二城置戍兵守焉宋白曰洮州臨洮郡城本名泥陽在洮水之北

注並遣張翼廖化督諸軍分護陽安關口陰平橋頭以防未然方輿紀要卷五十六陽平關在寧羌州東北九十里後主時謂之陽安關卷五十九陰平橋在階州文縣治東南跨白水上所謂陰平橋頭也

北至陰平聞魏將諸葛緒向建威故住待之月餘維爲鄧艾所

權還住陰平

方輿紀要卷五十九文縣東七里麻關谷口有鄧艾城艾入蜀時所築傷有姜維城爲維與艾相守處

注蜀記曰蔣舒爲武興督

方輿紀要卷五十六寧羌州略陽縣卽武興城漢武都沮縣地先主以地當衝要置武興督守此築城甚固周圍五百許步惟開西北一門外有倉壘三回周市略陽城西有武興山蜀漢置督蓋以山名

注蜀命人代之

何云宋本命作令

適與翼厥合皆還保劔閣以拒會

寰宇紀卷八十三綿州巴西縣大劔鎮在劔閣口一人荷戟  
萬夫莫向魏時蜀將姜維拒鍾會於此方輿紀要卷六十八  
漢陽山在劔州北二里或謂之故壘山有姜維拒鍾會故壘  
又卷五十六白水城在寧羌州西南漢縣屬廣漢郡蜀漢炎  
興初鍾會入陽平關姜維自陰平退趨白水遇廖化張翼等  
合兵守劔閣是也一清案白水城卽白水關也亦見鍾會傳  
每惟曠昔嘗同大化吳札鄭有

一本有作喬

於是引軍由廣漢鄴道以審虛實

寰宇紀卷八十二漢鄴道縣城在梓州鄴縣西方輿紀要卷  
七十一中江縣在潼川州西百二十里漢鄴縣地屬廣漢郡

三國漢析置伍城縣華陽國志漢時立倉於此發五萬人尉部主之

注世語曰時蜀官屬皆天下英俊無出維右

蜀上疑落征字

注維敎會誅比來諸將

一本比作北

注遠復蜀祚

一本遠作還

注孫盛晉陽秋曰盛以永和初從安西將軍平蜀

何云永和三年李勢破滅是年丁未去蜀亡景耀六年癸未

凡六十五年

注設使田單之計邂逅不會

何云元板會作集

注世語曰維死時見剖膽如斗大

胡三省曰大如斗非身所能容恐當作升何氏曰古升字與斗字相類亭林亦云

宿松羅忠濟初校

番禺陶邵學覆校

陽湖吳翊寅再覆校

三國志注補卷四十五

仁和趙一清撰

蜀志列傳第十五

先是吳王孫權請和先主累遣宋瑋費禕等

宋當作宗以先主傳校改

亮卒遷前軍師前將軍領兗州刺史封陽武亭侯頃之爲督江州

寰宇紀卷百二十黔州彭水縣三嵎山鄧芝曾大戰於此水經江水注曰巴之三關陽關一也延熙中蜀車騎將軍鄧芝爲江州都督治此

涪陵國人殺都尉反叛



後主傳延熙十一年涪陵屬國民夷反此脫屬字

注芝征涪陵見元猿緣山芝性好弩手自射猿中之猿拔其箭  
卷木葉塞其創

水經江水注松縣治涪陵水會延熙中鄧芝伐徐巨射元猿  
於是縣

十四年

寰宇紀卷八十七遂州青石縣以界內有青石山爲名鄧芝  
見此山美之後遂葬焉又魏書地形志恆農郡北陝縣有鄧  
芝祠一清案伯苗無聞於中土疑是鄧艾祠芝字誤也

高祖父司空浩

浩後漢書作皓

注天子聖人

後書人作仁

權大笑嘉其抗直

何云御覽直作蓋

廖化字元儉本名淳襄陽人也

襄陽耆舊傳云中廬人

時人謂譙周無當世才少歸敬者唯戲重之嘗稱曰吾等後世終自不如此長兒也

周傳云身長八尺

注戲同縣後進有李密者

晉書孝友傳密一名虔

注臣以險臺

晉書文選臺作臺

注特爲尤甚

此四字晉書作厓羸之極

注是以區區

晉書是以下有私情二字

注聽臣微言

言疑志字之譌

注臣生當隕自

晉書作隕身與上文不複當是也

注及祖母卒服終從尙書郎爲河內溫縣令

晉書後劉終服闋復以洗馬徵至洛司空張華問之曰安樂公何如密曰可次齊桓華問其故曰齊桓得管仲而霸用豎刁而蠱流安樂公得諸葛亮而抗魏任黃皓而喪國是知成敗一也次問孔明言敎何碎密曰昔舜禹皋陶相與語故得簡大雅詰與凡人言宜碎孔明與言者無己敎言敎是以碎耳華善之出爲溫令

注後失荀勗張華指左遷漢中太守諸王多以爲冤一年去官年六十四卒

晉書爲溫令而憎疾從事嘗與人書曰慶父不死魯難未已從事白其書司隸司隸以密在縣清慎弗之劾也密有才能常望內轉而朝廷無援乃遷漢中太守自以失分懷怨及賜

三國志卷之十五  
三  
饒東堂詔密令賦詩末章曰人亦有言有因有緣官無中人  
不如歸田明明在上斯語豈然武帝忿之於是都官從事奏  
免密官從卒於家二子賜興賜字宗石少能屬文嘗爲元烏  
賦詞甚美州辟別駕舉秀才未行而終興字雋石亦有文才  
刺史羅尙辟別駕尙爲李雄所攻使興詣鎮南將軍劉洪求  
救興因願畱爲洪參軍而不還尙白洪卽奪其手版而遣之  
興之在洪府洪立諸葛孔明羊叔子碣使興俱爲之文甚有  
辭理

孔山名方南郡人也

此是陳原書當依別本作大字亞一字其引他書者皆裴注  
作小字爲得

爲健爲蜀國都尉

當作屬國

注是故古人稱坐而論道謂之王公

何氏校王字作三

建興八年與魏延入南安界破魏將費瑤徙亭侯

何云壹前未有封而云徙亭侯於事爲疑一清案何說非也  
後漢書郡國志蜀郡屬國有徙縣方輿紀要卷七十二徙陽  
廢縣在雅州南徙音斯漢元鼎中始置縣屬蜀郡卽斯榆地  
也吳壹蓋初封於徙

遣畿子郁宣旨

下云公洪名祁季然之子此云郁當別一子也

洪名祁

一本注作公洪

注屢遷拜奉車都尉大尙書

何氏校衍大字

宿松羅忠濟初校

番禺陶邵學覆校

陽湖吳翊寅再覆校

三國志注補卷四十五